

Pattison

I.

Peire Rotgier, a trassaillir
m?er per vos los digz e·ls covens
qu?eu aic ab midonz, totz dolens,
de cantar, q?ie·m cuidiei soffrir;
e pois sai etz a mi vengutz
cantarai, si n?ai estat mutz,
que non vuoill remaner confes.

II.

Mout vos dei lauzar e grazir
car anc vos venc cors ni talens
de saber mos chaptenemens;
e vuoill q?en sapchatz alques dir.
E ja l?avers no·m si? escutz,
s?ieu sui avols ni recresutz,
que pel ver non passetz ades.

III.

Car qui per aver vol mentir,
aquel lauzars es blasmamens
e tortz e mals enseignamens,
e fai·n als autres escarnir.
Q?en dich non es bos pretz saubutz
mas el faich es puous conogutz,
e pels faitz veno·il dich apres.

IV.

Per me voletz mon nom auzir.
Cals son? ? O drutz . . . er clau las dens!
C?ades poja mos pessamens
on plus de prion m?o consir!
Ben vuoill sapchatz que non sui drutz
tot per so c?ar non sui volgutz;
mas ben am, sol midonz m?ames!

V.

Peire Rotgier, cum puosc sofrir
gez eu am aissi solamens?
Meravill me! Si viu de vens!
Tortz er si·m fai midonz morir!
S?ieu muor per liei farai vertutz
per qu?eu cre que si fos perduto

dreitz fora que puois mi nogues.

VI.

Era·il ven en cor que m?azir,
mas ja fo q?er? autres sos sens!
C?aitals es sos entendemens
per q?ieu li dei totz temps servir
pel ben qe·m n?es escazegutz;
ja no m?en vengues mais salutz
li dei totz temps estar als pes.

VII.

Si·m volgues sol tant consentir
q?ieu fos totz temps sos entendens,
ab bels digz n?estera jauzens,
e feira·m ses faitz esgauzir!
E degra·m ben esser cregutz
qu?eu non dic tan que·m fos creguz
mas del Bon Respeig don visques.

VIII.

Bon Respeig, d?aut sui bas cazutz!
E si no·m ereb sa vertutz
per conseil li don qe·m pendes!

- letto 544 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/pattison-29>